

Služba za reviziju finansijskog poslovanja

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

**IZVJEŠTAJ O REVIZIJI
GODIŠNJEG FINANSIJSKOG IZVJEŠTAJA ZA 2005. GODINU
NOVE HRVATSKE INICIJATIVE**

Broj: 09-07-6-918/07

Sarajevo, 24. maj 2007 godine

SADRŽAJ:

MIŠLJENJE REVIZORA.....	2
1. UVOD.....	3
2. PREDSTAVLJANJE POLITIČKE STRANKE.....	3
3. OPIS REVIZIJE.....	3
Predmet revizije.....	3
Cilj revizije.....	4
Obim revizije.....	4
4. PRETHODNE REVIZIJE.....	4
5. NALAZI I PREPORUKE.....	4
5.1. NALAZI.....	4
5.2. PREPORUKE.....	5

MIŠLJENJE REVIZORA

- 1.1. Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je reviziju godišnjeg finansijskog izvještaja za 2005. godinu **Nove Hrvatske inicijative**. Revizija je ispitivala primjenu Zakona o finansiranju političkih stranaka, od strane NHI.
- 1.2. Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.
Naša odgovornost je da izrazimo mišljenje na osnovu revizije koju smo izvršili.
- 1.3. Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa Zakonom o finansiranju političkih stranaka.
- 1.4. Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja, usaglašenost sa Zakonom o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Utvdili smo da Nova Hrvatska inicijativa nije u izvještajnom periodu postupala u skladu sa odredbama člana 6. i člana 11. stav 3. Zakona o finansiranju političkih stranaka.

Prema našem mišljenju, osim navedenog, revidirani finansijski izvještaji ukazuju da je Nova Hrvatska inicijativa u 2005. godini postupala u skladu sa Zakonom o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH je izvršila reviziju godišnjeg finansijskog izvještaja Nove Hrvatske inicijative za 2005. godinu.

Revizija je preduzeta u skladu sa članom 14. stav 1. Zakona o finansiranju političkih stranaka i članom 24. Pravilnika o godišnjim finansijskim izvještajima političkih stranaka.

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja NHI je iskazala ukupne prihode u iznosu od 240.235,87 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u Uk.prih. %
1	Članarina	0,00	0,00%
2	Prilozi fizičkih lica	300,00	0,12%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	239.781,53	99,81%
8	Ostali prihodi	154,34	0,06%
	Ukupni prihodi:	240.235,87	100,00

U godišnjem finansijskom izvještaju politička stranka je iskazala ukupne rashode u iznosu od 219.420,36 KM.

2. PREDSTAVLJANJE POLITIČKE STRANKE

Naziv političke stranke: Nezavisna Hrvatska inicijativa. Skraćeni naziv stranke je NHI.

Politička stranka je registrovana 06.07.1998. godine u Kantonalnom sudu u Sarajevu, broj upisa R-I-58/98.

Sjedište političke stranke je u Sarajevu, ulica Sime Milutinovića 2/II.

Lica ovlaštena za zastupanje stranke: Krešimir Zubak, predsjednik,
Dobrica Jonjić, predsjednik Izvršnog odbora,
Anton Knoll, rizničar.

Lice ovlašteno za podnošenje finansijskih izvještaja za 2005. godinu je Anton Knoll.

Organizacionu strukturu NHI čine:

- Glavni odbor
- 7 kantonalnih odbora
- 3 regionalna odbora
- Brčko Distrikt
- 44 opštinska odbora

3. OPIS REVIZIJE

Predmet revizije su godišnji finansijski izvještaj NHI za 2005. godinu i to sljedećih organizacionih dijelova:

- Središnjice NHI Sarajevo;
- Kantonalnog odbora NHI Srednja Bosna;
- Povjerenstva NHI Žepče.

Cilj revizije je da revizoru omogući da izrazi mišljenje o tome da li je NHI u izvještajnom periodu postupala u skladu sa odredbama Zakona o finansiranju političkih stranaka.

Obim revizije finansijskih izvještaja NHI obuhvata utvrđivanje usklađenosti finansijskih transakcija političke stranke sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica i prihode od imovine.

4. PRETHODNE REVIZIJE

Revizija finansijskih izvještaja NHI obavlja se prvi put.

5. NALAZI I PREPORUKE

5.1. NALAZI

a) **Na osnovu obavljene revizije finansijskih izvještaja organizacionih dijelova političke stranke, utvrđeno je da su prekršene odredbe člana 6. Zakona o finansiranju političkih stranaka.**¹

Središnjica NHI Sarajevo nije iskazala prilog Kristelig Folkeparti Oslo u iznosu od 1.932,01 KM. Sredstva su uplaćena na devizni račun NHI dana 08.12.2005. godine.

Kantonalni odbor NHI Srednja Bosna je izvršio isknjižavanje obaveza prema dobavljačima iz ranijih godina. Utvrđeno je da su isknjižene obaveze prema dobavljačima „Multimedija Print“ Nova Bila u iznosu od 3.200,00 KM² i „Štampariji Fojnica“ Fojnica u iznosu od 250,00 KM³. Politička stranka nije prijavila ove priloge čime nije ispoštovala odredbe člana 6. Zakona o finansiranju političkih stranaka.

¹Ako ukupan iznos priloga jednog pravnog ili fizičkog lica premašuje 100 KM, ta uplata mora da se unese u finansijski izvještaj u skladu sa članom 11.

² Rn br. 8-1822 od 23.09.2002. godine.

³ Pregled od 03.09.2004. godine.

b) Na osnovu obavljene revizije finansijskih izvještaja utvrđeno je Nova Hrvatske inicijativa prekršila odredbe člana 11. stav 3. Zakona o finansiranju političkih stranaka.⁴

Nova Hrvatska inicijativa finansijske izvještaje nije popunila u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 10/04).

- NHI nije iskazala organizacionu strukturu političke stranke, niti je prijavila transakcijske račune i štedne knjižice kantonalnih odnosno opštinskih odbora i povjerenstava;
- Nova Hrvatske inicijative posluje putem jedinstvenog računa na koji se uplaćuju svi prihodi političke stranke. Na osnovu odluke Predsjedništva NHI⁵ kantonalne i regionalne organizacije NHI odnosno opštinske organizacije i povjerenstva imaju otvorene podračune odnosno štedne knjižice. Na obrascima finansijskih izvještaja nije iskazan promet koji je ostvaren putem ovih računa niti promet blagajni nižih organizacionih dijelova;
- Na obrascu prihoda iz budžeta pogrešno su iskazana sredstva u iznosu od 1.000,00 KM uplaćena sa računa Ministarstva finansija i trezora BiH. Radi se o povratu takse za ovjeru političke stranke za Izbore 2004. godine. Prihodi iz budžeta opština Travnik, Novi Travnik i Dobretići koji su uplaćeni na transakcijski račun Kantonalnog odbora NHI Srednja Bosna nisu iskazani na obrascu prihoda iz budžeta⁶.
- Nova Hrvatska inicijativa nije ispoštovala odredbe člana 6. Pravilnika o godišnjim finansijskim izvještajima po kojim niži organizacioni dijelovi političke stranke imaju obavezu da troškove iskazuju na pojedinačnim obrascima troškova (obrasci 4-1, 4-2 i 4-3), dok se obrazac ukupnih rashoda dostavlja na nivou političke stranke (obrazac 4). Troškovi nižih organizacionih dijelova političke stranke su iskazani u ukupnim iznosima na pojedinačnim obrascima koji su popunjeni za političku stranku u cjelini. Troškovi zakupnine za kancelarijski prostor Središnjice NHI Sarajevo nisu iskazani u finansijskom izvještaju.
- Na obrascu pozajmica, kredita i dugova nisu iskazane obaveze, iako prema podacima iz bruto bilansa KO NHI Srednja Bosna i Središnjica NHI imaju evidentirane obaveze na dan 31.12.2005. godine.⁷

Na osnovu obavljene revizije finansijskih izvještaja organizacionih dijelova političke stranke utvrđeno je da se, osim navedenog, NHI finansirala u skladu sa odredbama Zakona o finansiranju političkih stranaka.

⁴Politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila Centralna izborna komisija BiH.

⁵ Odluka o otvaranju prelaznih računa kantonalnih/regionalnih i štednih knjižica opštinskih organizacija NHI broj:01-76/04 od 11.05.2004. godine

⁶ Sredstva iz budžeta opština su uplaćena u iznosu od 2.790,00 KM. Sredstva iz budžeta opština Travnik i Novi Travnik su jednim dijelom prijavljena na obrascu 3.f (iznos koji je uplaćen na jedinstveni račun) dok sredstava iz budžeta opštine Dobretići u iznosu od 690,00 KM nisu iskazana.

⁷ KO NHI Srednja Bosna ima obaveze 372,60 KM; Središnjica NHI Sarajevo ima obaveze u ukupnom iznosu od 4.321,30 KM od čega 3.160,20 KM prema dobavljačima.

5.2. PREPORUKE :

Na osnovu uočenih nedostataka preporučuje se Novoj Hrvatskoj inicijativi:

- *da postupa u skladu sa odredbama člana 6. i člana 11. stav 3. Zakona o finansiranju političkih stranaka;*
- *da ustroji upravljanje gotovinom putem blagajni i uvede obavezu vođenja blagajničkih izvještaja na dnevnom nivou uz obavezne priloge za niže organizacione dijelove političke stranke.⁸*

KOMENTAR:

U ostavljenom roku, Nova Hrvatska inicijativa se nije očitovala na Preliminarni izvještaj o reviziji godišnjeg finansijskog izvještaja za 2005.godinu.

Ističemo da smo tokom obavljanja revizije imali dobru i korektnu saradnju sa osobom ovlaštenom za finansijske izvještaje i zaposlenim u Središnjici NHI Sarajevo.

Hasida Gušić, šef Službe

Sanja Čabrilo, revizor

Nevenko Andan, revizor

⁸ Blagajnički izvještaji KO NHI Srednja Bosna su sačinjeni mjesečno, dok povjerenstvo NHI Žepče ne vodi blagajnu.